

# Baibuli y'Abaana yaaza kukworeka

## Okutandika kw'obusaasi bw'omuntu



Ekahandiikwa: Edward Hughes

Ebishushani bikateerwa: Byron Unger; Lazarus

Ekahindurwa: Z. Kabaza

Ekateekateekwa: M. Maillot; Tammy S.

Ekitebyo 2 aha 60

[www.M1914.org](http://www.M1914.org)

*Bible for Children, PO Box 3, Winnipeg, MB R3C 2G1 Canada*

Noobasa kukopoorora nari okuteera omu kyoma akatabo k'ebigambo ebi, kwonka torikwikirizibwa kukatunda.

Runyankore

**RUHANGA AKAHANGA EBINTU  
BYONA!** Ruhanga ku yaahangire  
omuntu w'okubanza, Adamu, yaamuta  
omu kibanja Edeni, hamwe niomukazi  
we, Haawa. Bakaba bashemereirwe,

ahakuba bakaba niboorobera  
Ruhanga, nibakunda kuba nawe,  
okuhitsya eizooba  
rimwe ...




1


Enjoka yaabuza  
Haawa eti: "Ruhanga  
akagira ngu mutarirya  
aha muti gwona?"

Yaagarukamu ati: "Nitubaasa  
kurya ebijuma byona,  
okwihaho eby'omuti gumwe.

Ku turikukwataho nari  
twaryaho, nitufa."  
Enjoka eti: "Okufa  
kwo, timurifa".



2




"Nimwija kuba nka Ruhanga". Haawa akaba naakunda ebijuma by'ogwo muti. Atyo yaakurata eby'enjoka yaarya ebyo bijuma.

3




Haawa ku yaaherize kugomera Ruhanga, yaikiririsa Adamu nawe kurya aha bijuma ebyo. Adamu akaba ashemereire kwanga, akagira ati: "Ngaaha! Tindikwija kugomera Ekigambo kya Ruhanga".

4



Adamu na Haawa ku baasiisire, baamanya ku bajwaire busha; baayebaziirira amababi g'omutiini g'okwekingaho, baayeshereka Ruhanga omu kishaka.


5



Ruhanga akamanya eki Adamu na Haawa baakozire, yaija omu kibanja omu mabeho g'omwabazyo. Adamu akacwera Haawa orubanja, Haawa yaarucwera enjoka. N'ahabw'ekyo Ruhanga yaagira ati: "Enjoka yaakyeenwa. Omukazi aryagira obusaasi naazaara abaana". "Adamu, ahabw'okuba osiisire, eitaka ryakyeenwa; riryakureetera amahwa n'amatojo.

Ebi orirya oryabihendekyera, bikutuuturere."

6



Ruhanga akata Adamu na Haawa omu kibanja kirungi. Kwonka ahabw'okushiisha, baataana na Ruhanga oha amagara.

7




Ruhanga akakorera Adamu na Haawa ebijwaro by'empu, kwonka yaababinga omu kibanja, kandi yaataho rurara erikumurinkana ngu batakigarukamu.

8

Bwanyima Adamu na Haawa baazaara. Kaini, omujigaijo, akaba ari omuhingi, Abeeli, owa kabiri, akaba ari omuriisa. Eizooba rimwe Kaini akareetera Ruhanga omutoijo gw'ebi yaahingire.


Abeeli nawe akareeta aha ntaama ze enungi yaazitoijera

Ruhanga,  
Ruhanga  
yaasiima  
omutoijo gwa  
Abeeli.




9

Ruhanga tarasiimire mutoijo gwa Kaini, Kaini yaagira ekiniga kingi. Ruhanga yaamugira ati: "Ku oraakore gye, torikwiya kusiimwa?"



10

Ekiniga kya Kaini tikiramurugiremu. Bwanyima, ku baabaire bari omu ishwa, yaagurukira Abeeli, yaamwita.



11

Ruhanga yaabuuza Kaini ati: "Abeeli murumuna waawe arahi?" Kaini yaabeiha ati: "Tindikhamanya. Niinye murinzi wa murumuna wanyye?" Atyo Ruhanga nikwo kufubira Kaini, ngu eitaka ritamwereza eby'okurya, kandi yaamuhindura ekizengerezi.




12

Kaini yaaruga omu maisho ga Ruhanga. Bwanyima akashwera omwe aha bahara ba Adamu ha Haawa, baazaara abaana. Baijukuru na baijukuruza bakaijuza orurembo oru yaayombekire.




13

Obwo eka ya Adamu na Haawa yaakanya; kandi omu biro ebyo abantu bakaba bamara omwanya muraingwa munonga okukira hati.



14

Omutabani Seezi ku yaazairwe, Haawa yaagira ati: "Ruhanga yanshumbuusha Seezi omu mwanya gwa Abeeli". Seezi akaba ari omuntu orikutiina Ruhanga, kandi akamara emyaka 912, yaazaara abaana baingi.



15

Abantu bakeeyongyera kuba babi okuruga aha busingye bumwe okuza aha bundi. Atyo Ruhanga yaacwamu okubahwerekyereza, n' ...



16

... enyamaishwa n'ebirikugyendesa enda, n'ebirikuguruka omu mwanya. Ruhanga akeefuuzza eki yaahangiire omuntu. Kwonka omushaija omwe akashemeza Ruhanga ...



17

Omushaija ugu akaba ari Noa, owaakomookire omuri Seezi. Noa akaba ari ohikiriire, ataine kabara. Akaba naagyenda na Ruhanga.



18

Kandi akeegyesa abatabani bonshatu okworobera Ruhanga. Atyo Ruhanga yaateekateeka kumukoresa omu muringo gurikutangaaza.



19

Okutandika kw'obusaasi bw'omuntu  
Ebi bihirwe omu Kigambo kya Ruhanga, Baibuli  
bishange omu  
Okutandika 3-6

"Ebigambo byawe ku bishuuruurwa bireeta omushana." Zaaburi 119:130

♥

Ruhanga naamanya ku turi abasiisi, nitukora ebibi.  
Ebihembo by'ekibi n'okufa.

**Ruhanga atukunda** munonga, nikyo yaayerereize  
Omwana we, Yesu, kutufeera aha musharaba okuba  
omutango gwaitu. **Akazooka yaagaruka** omu Iguru!  
N'ahabw'ekyo Ruhanga naabaasa kutusaasira ebibi byaitu.

Ku oraabe nooyenda kweteisa ebibi byawe, shaba  
Ruhanga oti: Ai Ruhanga, ninyikiriza ku Yesu yanfeereire  
akazooka, hati ariho. Ninkweshengyereza oije omu  
magara gangye, kandi onsaasira ebibi byangye, mbone  
kugira amagara masya, bwanyima ntaahe naiwe ebiro  
byona. Ompwere ngyende nk'omwana waawe. Amiina.  
Yohaana 3:16

**Shoma Baibuli ogambe na Ruhanga buri Izooba.**